

DEO OPTIMO MAX.

UNI ET TRINO.

VIRGINI DEI-PARÆ, ET S. LUCÆ,

Orthodoxorum Medicorum Patrono.



QUÆSTIO MEDICA

QUODLIBETARIIS DISPUTATIONIBUS

*manè discutienda in Scholis Medicorum, die Jovis quartâ mensis  
Januarii, anno Domini M. DCC. LXXXVII.*

M. PETRO-AUGUSTO ADET, Doctore Medico, Præside.

*An à solo lymphæ muco, præ ipsius affinitate cum solidis corporis viventis  
partibus, nutritio?*

I.

CORPUS hominis ut cœterorum animalium solidis & fluidis conflatur, Horum mirabilis consensus mutuumque & perenne in se invicem officium. At ea est animalis œconomix natura & conditio, ut, dum solida humores appositè præparando & ad minutissimas corporis fibras adigendo, ex illis nutritionem, accretionem, vim & energiam depromunt, hoc ipso quo stat & fovetur œconomia, eodem rueret mechanismo, nisi fluidis novus adveniret humor quo illorum nimis immutata natura recuperaretur, resarcirentur jacturæ. Succus enim ex alimentis expressus per canales chylicos ad sanguinis oceanum defertur, ibi per vim cordis, arteriarum musculorumque actionem movetur, adigitur in varios circulos, & per repetitos hos circulationis motus subigitur, præparatur, & fit nutritionis proxima materies, quæ vocatur lympa.

Verùm ex ipso-met circulationis motu & actione minimæ partes à solidis abraduntur, abrasæ liquoribus miscentur, moventur & expelluntur; dum fluida attritu continuo immutata ad exhalantia vasa appellunt, & ex corpore evanescunt. Hinc quibus nutritur iisdem legibus consumeretur corpus vivens, nisi novus humor appositè elaboratus tantum & tale solidis & fluidis restitueret, quantum & quale per circulationis actionem fuit deperditum. Hæc actio nutritionis nomine donata fuit, cujus materies ipsiusque assimilatio viribus digestivis, ut fiat lympa, veniunt perpendendæ.

I I.

MATERIES ad nutritionem idonea solum corpus mucosum; hujus ope nutriuntur, crescunt & generant tum vegetantia, tum animantia. In illis mucosum, in his gelatinosum corpus vocatur. Hæc duæ substantiæ, quæ elabo-



rationis tantum gradu inter se differunt, facultate nutritivâ solæ fuerunt donatæ. Hanc probat mucosæ aut gelatinosæ materiei quantitas in iis, quæ ad individui propagationem aut nutritionem destinata sunt, partibus reperta. Sic in animalium ovis & semine: sic in omnibus vegetantium seminibus ita abundat, ut vel maceratione in aquâ, vel levi coctione haud parva quantitas extrahatur. Sic ex animantium carnibus eruitur gelatinosa materies eò magis ad assimilationem docilis, quò animalem naturam jam fuit adepta. Coetere substantiæ, quæ à mucoso aut gelatinoso corpore differunt, ad nutritionem prorsus sunt inhabiles; sic salia, olea, resinæ nullum præbent alimentum; sed potius, cum principiorum tenuitatem viribus digestivis insuperabilem obtineant, aut foras per alvi viam extruduntur, aut novam partibus inducunt dispositionem, & exinde purgantem, laxantem, cardiacam, aut aliam quamcumque virtutem exerunt. Sola igitur ad nutritionem idonea materies mucosum aut gelatinosum corpus, cujus, ut fiat lymphâ, requiritur digestionis & assimilationis opus. Verum cum in omni alimentorum genere substantiæ hæ reperiantur; de alimentorum digestionem & assimilationem agendum.

### III.

**A**LIMENTA intra dentes trita & in ventriculum delata, potu, salivâ, humore gastrico irrorantur, penetrantur; inde fit mollis & pulposa moles intra cujus partes, elapso quodam tempore, motus intestinus nascitur, quo solvitur illius alimentosæ molis tenacitas. Ventriculi, intestinorum, diaphragmatis musculorumque abdominalium actione per fistulam intestinale propelluntur, & premuntur alimenta; ex his exprimitur succus emulsiōi haud dissimilis. Hujus fluidior tantum pars, famulantibus iisdem potentiis canales in intestinali fistulâ hiantes subit, & ad sanguinis oceanum desertur. Succus hic parum à corpore mucoso diversus, quem circulationis actione, ut fiat materies nutrens, elaborari necessum est, chylus vocatur. Cum igitur chylus subclaviâ venam sinistram ingressus est, cum sanguine miscetur, movetur, & ad omnes corporis partes adigitur. Per vim cordis, arteriarum, respirationis musculorumque actionem dividitur, attenuatur; minimas in partes rediguntur ipsius moleculæ, plures intricatæ expediuntur, nova connubia ineunt inter se, ex quibus nova corpora nascuntur. Sic corpus mucosum fit gelatinosum, substantia fluidissima, albumini ovi simillima, lymphâ tandem. Hinc eveniret ut eadem substantia, potentiis iisdem agentibus, per vasa exhalantia sensim abriperetur, in sua principia resolveretur; partes solidæ per circulationis motum & actionem abrasæ, succussæ, collisæ semper quidquam de suâ substantiâ amitterent, paulatim colliquescerent, & liquoribus immixta per varia corporis emunctoria expellerentur, ut observatur in iis longâ diætâ fatigatis, aut febre hectica laborantibus; hinc periret corpus vivens, nisi novi lymphæ muci beneficio refarcirentur fluidorum & solidorum jacturæ.

### IV.

**L**YMPHÆ muco nutriti solida constat ex ipsius naturâ, analogiâ cum solidis, & experienciâ.

1°. Lymphæ mucus concrescit & indurescit, cum igni lymphâ superponitur. Solus lymphæ mucus parit sanguinis extracti coagulum; cum enim segregatur, coetere partes à coagulo distinctæ non concrescunt.

2°. Lymphæ mucus concretus solidarum partium colorem refert. Succus ex animantium partibus extractus formam gelatinosam suscipit & glutinum efficit



ut lymphæ. Succus hic, ut lymphæ mucus, albus est, inodorus, insipidus, multum ad putredinem vergens, eadem in distillatione producta suppeditans.

3°. Suppuratis ac deterfis vulneribus, cum proxima est conglutinatio, humor lymphaticus è labris vulneris undique depluit, quò vulnus coalescere quotidiana probat experientia. Præterea D. de Haller vidit vasa transversim secta coalescentia lymphæ mucò, qui paulatim conscrefcens album suscipiebat colorem. Verùm quomodò fiat applicatio lymphæ mucì? Præ ipsius affinitate cum solidis corporis viventis partibus.

Affinitas est vis quâ corporum partes attrahuntur, accedunt ad se invicem & unitæ cohærent. Eò facilius suum sortitur effectum affinitas, quò magis homogeneæ sunt partes attrahendæ, quò minùs alieno motu agitantur. Lymphæ mucì cum solidis analogia modò probata fuit, ergo affinitas, ex quâ nutritionem sic fieri patet.

Præparata, ut paragrapho præcedenti dictum fuit, lymphæ per circulationis actionem fertur ad omnes corporis partes. In cellulosum textum infunditur per meatus existentes in vasorum parietibus intrà corporis partes perreptantium. In cellulari textu lymphæ motus multò lentior est quam in vasis sanguineis; attamen sufficiens ut illius pars fluidior vel exhalantia vasa & varia corporis emunctoria cum partibus ad nutritionem inhabilibus avolet & abripiatur, vel per lymphatica vasa revehatur ad circulationis torrentem. Sic parte lymphæ residuâ inspissatâ, ipsius motu lentiori factò, suum sortitur effectum affinitas. Per hanc lymphæ mucus cellulosi textûs ubique existentis parietibus apponitur & adhæret. Per illatam mucò pressionem à vicinarum partium resistentiâ & actione magis adhuc suo sero spoliatur mucus; magis partes ipsius sese attrahunt; & eò firmior fit, quò strictior partium textus; auctâ enim resistentiâ pressio major est, unde seri dissipatio major; succussio & motus minor, undè major affinitas. E contra quò laxior est partium textus, eò minor pressio, major succussio & motus, fluidior lymphæ mucus, minor affinitas. Hinc deducitur cur partes quæ à primo corporis rudimento erant molles, fiant cartilagineæ, ossæ; cur hæ à mollibus differant; cur molles ipsæ temporis diuturnitate durescant.

#### V.

**N**E dicant nutritionem fieri ex applicatione mucì lymphæ in vacuolo consumptione factò in vasorum interiori superficie; sequeretur enim minorem vim requiri ut ab interiori vasorum superficie partes abraderentur, quam ut eorumdem parietibus applicarentur, quod repugnat. Partes enim inter se cohærentes arctius uniuntur & difficilius à se divelluntur, quam eæ quæ cum vasorum parietibus connubium inire inciperent. Præterea cum sanguinis impetus sit sufficiens ad abradendas partes, à fortiori præpediet quominus novæ coeant.

Sed, inquiunt, si reparatio esset jacturæ proportionata, corpus in statu incrementi fenescere non deberet, quod ex frequentiori experientiâ falsum est. At lymphæ mucì qualitates non sunt eadem in omnibus vitæ phasibus. Cum statum incrementi corpus adeptum est, tunc partes solidæ majorem opponunt resistentiam potentiæ eas extendere nitenti, undè majus sanguinis momentum in vasorum parietes, undè eò major lymphæ mucì solidis partibus applicati pressio; eò major feri illius dissipatio, quò magis à primo rudimento & ab incremento recedit corpus. Hinc mucì firmitas, vasorum rigiditas, eorum debiliior in sanguinem actio, plurimum sensim obliteratio, induratio, & tandem senectus. His suffragatur obser-



4

vatio; solida enim in embryone nulla, in foetu pauca, in senibus provectissimæ ætatis plurima sunt. In junioribus humorum copia & vis solida exuperant. In senibus solida vi & copiâ fluida exuperant. (*Boerrhaav. Inst. Med. pag. 145.*) Nunc nihil obstat quin concludatur.

*Ergo à solo lymphæ muco, præ ipsius affinitate cum solidis corporis viventis partibus, nutritio.*

## DOMINI DOCTORES DISPUTATURI.

- |  |  |  |
|--|--|--|
| Franciscus-Gaspardus DIDERON.  | M. Joannes-Augustinus COV-<br>TAVOZ, Chirurgiæ gallico<br>idiomate Professor.                                  | M. Henricus Michaël MISSA,<br>Regii Medicorum Collegii<br>Nanceianorum Socius hono-<br>rarius, antiquus Regis Exer-<br>citiuum in Germania Medicus<br>ordinarius, Censor Regius,<br>Academiæ Caralunenensis Se-<br>carius. |
| M. Carolus-Jacobus-Ludovicus<br>COQUEREAU, Serenissimi<br>Condæi Principis Medicus<br>ordinarius, necnon Regis apud<br>Peditatum cum gallicum tum<br>extraneum, Consiliarius Me-<br>dicus. | M. Joannes-Baptista-Eugenia<br>DUMANGIN.   | M. Joannes-Nicolaus MILLIN<br>DE LA COURVEAULT.  |
| M. Franc.-Maria LE MOINE.  | M. LEVACHER DE LA FÈV-<br>TRIE, antiquus Facultatis<br>Decanus, utriusque Phar-<br>maciæ Professor designatus. | M. Jacobus GOURLEZ DE LA<br>MOTTE.   |

Proponebat Parisiis, JOANNES-BAPTISTA-CAROLUS ASSELIN,  
Abrincensis, Doctor Medicus Cadomensis, necnon Saluberrimæ Facultatis  
Medicinæ Parisiensis Baccalaureus, Theseos Autor. A. R. S. H. 1787.

AB OCTAVA AD MERIDIEM.

BIU Santé  
Médecine  
Paris

Typis QUILLAU, Saluberrimæ Facultatis Medicinæ Parisiensis Typographi.